



14 Februari 2018
14 February 2018
P.U. (A) 40

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN BIOKESELAMATAN (TATACARA PENSAMPELAN) 2018

BIOSAFETY (SAMPLING PROCEDURES) REGULATIONS 2018

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA BIOKESELAMATAN 2007

PERATURAN-PERATURAN BIOKESELAMATAN (TATACARA PENSAMPELAN) 2018

PADA menjalankan kuasa yang diberikan oleh perenggan 69(2)(i) Akta Biokeselamatan 2007 [*Akta 678*], Menteri, selepas berunding dengan Lembaga, membuat peraturan-peraturan yang berikut:

Nama

1. Peraturan-peraturan ini bolehlah dinamakan **Peraturan-Peraturan Biokeselamatan (Tatacara Pensampelan) 2018**.

Notis untuk pengambilan sampel

2. Jika seorang pegawai penguat kuasa berniat untuk mengemukakan apa-apa sampel bagi mana-mana organisma atau hasilan yang disyaki merupakan atau mengandungi organisma diubah suai yang hidup atau hasilan organisma sedemikian bagi analisis, pegawai penguat kuasa yang membeli atau selainnya memperoleh sampel itu hendaklah memberitahu penjual, pengilang atau pengimport atau ejen atau pekhidmatnya yang daripadanya organisma atau hasilan itu dibeli atau selainnya diperoleh dengan memberikan notis sebagaimana yang dinyatakan dalam Jadual Pertama.

Sampel bagi analisis

3. (1) Jika seorang pegawai penguat kuasa meminta, memilih, mengambil atau mendapatkan sampel mana-mana organisma atau hasilan yang disyaki merupakan atau mengandungi organisma diubah suai yang hidup atau hasilan organisma sedemikian bagi maksud analisis, pegawai penguat kuasa hendaklah—

(a) jika keadaan sampel itu membenarkan pembahagian, membahagikan sampel itu kepada tiga bahagian yang berasingan dan hendaklah menanda serta merekat atau mengikat setiap bahagian dengan apa-apa cara yang perlu;

- (b) menawarkan satu bahagian kepada penjual, pengilang atau pengimport atau ejen atau pekhidmatnya yang daripadanya sampel itu dibeli atau diperoleh;
- (c) menyerahkan satu bahagian kepada juruanalisis secara sendiri atau melalui pegawai penguat kuasa yang lain yang dibenarkan oleh Lembaga; dan
- (d) menyimpan satu bahagian yang masih tinggal.

(2) Jika apa-apa sampel terdiri daripada suatu sampel yang terkandung dalam suatu bungkusan yang tidak dibuka dan pegawai penguat kuasa berpuas hati bahawa pembahagian sampel kepada tiga bahagian yang berasingan bagi maksud analisis sebagaimana yang dinyatakan dalam subperaturan (1)—

- (a) adalah tidak munasabah pada amalannya; atau
- (b) boleh menjejaskan komposisi atau menghalang suatu analisis wajar terhadap kandungannya,

pegawai penguat kuasa hendaklah menyerahkan bungkusan yang tidak dibuka secara terus kepada juruanalisis.

(3) Jika apa-apa sampel—

- (a) terdiri daripada suatu sampel yang terkandung dalam bungkusan sampel yang khusus iaitu atau yang berupa sebagai atau mempunyai, apa-apa bahan asing atau apa-apa bahan yang disyaki beracun, memudaratkan atau berbahaya kepada kesihatan; atau
- (b) adalah tidak praktik untuk dibahagikan kepada bahagian,

pegawai penguat kuasa hendaklah mengambil sampel itu tanpa membahagikannya kepada bahagian yang berasingan dan hendaklah kemudiannya mengemukakan sampel yang diambil secara terus kepada juruanalisis sama ada secara sendiri atau melalui pegawai penguat kuasa yang lain yang dibenarkan oleh Lembaga.

Label sampel untuk analisis

4. (1) Label sampel untuk analisis hendaklah dalam empat salinan dengan mempunyai keratan yang sama dalam bentuk sebagaimana yang dinyatakan dalam Jadual Kedua.

(2) Jika suatu sampel dibahagikan kepada tiga bahagian, satu label sebagaimana yang dinyatakan dalam subperaturan (1) hendaklah dilekatkan pada setiap bahagian sampel, dan label selebihnya hendaklah dilekatkan pada borang permintaan untuk analisis sampel.

(3) Jika hanya satu sampel diambil, satu label hendaklah dilekatkan pada sampel dan label selebihnya hendaklah dilekatkan dalam borang permintaan untuk analisis sampel.

Permintaan untuk analisis sampel dan perakuan juruanalisis

5. (1) Suatu permintaan untuk analisis sampel hendaklah dibuat dalam suatu borang sebagaimana yang dinyatakan dalam Jadual Ketiga.

(2) Suatu perakuan juruanalisis hendaklah dalam borang yang dinyatakan dalam Jadual Keempat.

JADUAL PERTAMA

AKTA BIOKESELAMATAN 2007

[Peraturan 2]

PERATURAN-PERATURAN BIOKESELAMATAN (TATACARA PENSAMPELAN) 2018

NOTIS UNTUK PENGAMBILAN SAMPEL BAGI ANALISIS

Kepada: _____

No. K/P: _____

Alamat: _____

BAHAWASANYA, saya _____

(Nama pegawai penguat kuasa)

telah membeli/memperoleh sampel sebagaimana yang disenaraikan di bawah bagi maksud analisis oleh juruanalisis:

Bil.	Tarikh & masa pensampelan	Jenis produk	Jenama	Penjual/pengilang/pengimport/ejen/pekhidmat

Tarikh:

(Nama dan tandatangan Pegawai Penguat Kuasa)

Sesalinan notis ini dikehendaki diserahkan kepada
penjual/ pengilang/ pengimport/ejen/pekhidmat

Diterima oleh:

Tandatangan:

Nama:

No. K/P/ No. pasport:

Untuk dan bagi pihak (jika berkaitan):

(Nama syarikat/perniagaan atau badan lain)